



24 april 2023

**Illersornissaqarfiup Kangerlussuarmi Mittarfimmik atuiinnarnissaa pillugu
Naalackersuisut Siulittaasuata Múte B. Egede-p, Ineqarnermut
Attaveqaasersuutinullu Naalackersuisup Erik Jensen-ip kiisalu Illersornissamut
Ministeriugallartup Troels Lund Poulsen-ip (matumap kingorna
isumaqatigiissuteqaqataasunik taagorneqartut) akornanni**

sinaakktissatut isumaqatigiissut

Illersornissaqarfiup Kangerlussuarmi Mittarfimmik atuiinnarnissaa pillugu Naalackersuisut Danmarkimilu Naalackersuisut 2019-imi septembarip 18-iani tunngaviusumik isumaqatigiissuteqarnerisigut, Nuummi Ilulissanilu mittarfittaasat sanaartorneqareernerini Illersornissaqarfiup Kalaallit Nunaanni, Issittumilu suliaannut mittarfiup qanoq sinaakktissiisinaanissaa pillugu ilusissamik ujartuinissamik ataatsimoorussamik suliaq aallartinneqarpoq, tak. Inatsisartut inatsisaat nr. 4, 22. november 2018-imeersoq kiisalu Issittumi piginnaasanik annertusaaneq pillugu isumaqatigiissut 10. maj 2022-meersoq.

Illersornissaqarfiup Kangerlussuarmi suliaqarnissaminnut siunissami pisariaqartitassaanni, taamaalillunilu mittarfiup ilusilersorneratigut atugassarititigullu pisariaqartinneqartussani, isumannaallisaanermi politikikkut inissisimaneq aamma Issittumi piginnaasanik annertusaaneq pillugu isumaqatigiissutip 10. maj 2022-meersup atuutsilersinneqarnera apeqqutaapput kiisalu 2024-miit illersornissaq pillugu isumaqatigiissutissaq tunngavigineqassallutik. Kangerlussuarmi Mittarfik aallaavigalugu Illersornissaqarfiup suliareriigaannut assigiinngitsunut, siunissami pisariaqartinneqartut ataqatigiissillugit aamma pilersaaruserneqassapput. Nakkutiginninneq, nammineerluni aalajangiisinaanatitaanerup atortuutinneqarnissaa, ujaasineq annaassiniarnerlu kiisalu suliarpaaluit Kalaallit Nunaanni inuiaqatigiinnut tunngavilliisut soorlu aalisarnermik nakkutilliineq, politiinut ikiorsiineq, nalinginnaasumillu ilisimatusarnermi misissuinerisa tapersorsorneqarnissaat ilaatigut suliaasapput.

Illersornissaqarfiup timmisartornissaannut pisariaqartitaannut naapertuuttumik atugassaqartitsisumillu 2500 meterimik takitigisumik mittarfeqarnikkut, Illersornissaqarfiup Kangerlussuarmi massakktut suliaat suliarineqarsinnaapput. Tamanna naapertorlugu nutarterinissaq, aserfallatsaaliuinissarlu Illersornissaqarfiup susassaqafigaa.

Kalaallit Nunaat mittarfimmik suli piginnittusoq, inuinnarnillu timmisartuussinernut suli atorsinnaassasoq isumaqatigiissutitigut matumuunakkut uppersaqqinneqarpoq. Illersornissaqarfik Kangerlussuarmiiginnassaaq, mittarfimmillu atuisalluni, soorluttaaqaq USA mittarfimmik atuisinnaassasoq, takuuk Kangerlussuup mittarfiani nalinginnaasumik suliaasat tiguneqarnerat pillugu Statsministeriap kiisalu Namminersornerullutik Oqartussat akornanni isumaqatigiissut 1991-imi februaarip 21-aneersoq.

Illersornissaqarfiup mittarfimmik atuisinnaatitaanera pillugu isumaqatigiissuteqaqataasut akornanni isumaqatigiissutissaq suliarineqarlunilu isumaqatigiissutigineqassaaq. Isumaqatigiissut atuutilissaaq Kangerlussuarmut toqqaannartumik timmartuussinerup nuunneraniit, assersuutigalugu ukiuni aalajangersimasunut isumaqatigiissuteqarnikkut

imaluunniit Illersornissaqarfiup mittarfimmik atuinissaminik pisariaqartitsiuarnerani Illersornissaqarfik atuisinnaatinneqassasoq siunertaavoq.

Kiffartuussinermi suliassat sapinngisamik najukkami sulisunit isumagineqassammata, Mittarfeqarfiit A/S-ip kiffartuussinissamik isumaqatigiissut naapertorlugu Illersornissaqarfimmut sullissinissaani akigititassanik inissinissami sullissinerit, tunngaviillu isumaqatigiissummi allaatigineqassapput.

Inuinnarnik timmisartuussinissamut aningaasartuutissat Kalaallit Nunaata susassaqrfigai, soorlutaaq inuinnarnik timmisartuussinissami akuersissutit pisariaqartut pissarsiarineqarnissaat Kalaallit Nunaata piginnittut, akuersissummillu piginnittut susassaqrfigigaa. Mittarfiup nalinginnaasumik atorneqarnissaa, ilusilersorneqarnissaalu Illersornissaqarfik suleqatigalugu ataqatigiissaarneqassapput. Sakkutuut, inuinnaallu pisariaqartitaannut Mittarfeqarfiit A/S kiffartuussisuusaaq.

Kangerlussuup mittarfiani Illersornissaqarfiup pisariaqartitaannik misissueqqissaarneq

Isumaqatigiissusiornissami (atuisinnaatitaanermut isumaqatigiissut, kiffartuussinissarlugu pillugu isumaqatigiissut), Illersornissaqarfiup siunissami Kangerlussuarmi pisariaqartitassaannik ersarissaasussamik misissueqqissaartoqartariaqarpoq.

Misissueqqissaarnermi tulliuuttut qulaajarneqassapput

- Timmisartut suut atorneqarnerisut ilanngullugit, Illersornissaqarfiup mittarfimmik atuinera.
- Atortut, qanorissusissaat, aserfallatsaaliorneqarnissaallu ilanngullugit mittarfiup takissusissaanut, silissusissaanullu Illersornissaqarfiup piumasaqaatai.
- Illersornissaqarfiup illuutitigut il.il. pisariaqartitai.
- Sullissinerit Mittarfeqarfiit A/S-imit isumagineqartussatut Illersornissaqarfiup kissaatigisai.

Illersornissaqarfiup pisariaqartitaannik misissueqqissaarnermi amerikami illersornissaqarfiup, sakkutuullu iligisat allat siunissami Kangerlussuarmut minnissaminik, atugassarititigullu pisariaqartitassaataamma qulaajarneqassapput.

Kalaallit Nunaanni inuinnarnik timmisartuussisoqarnissaannik pisariaqartitanik misissueqqissaarneq

Kangerlussuarmi timmisartuussinernik ingerlatsineq pillugu 2025-mi januaarimit atuuttussamik isumaqatigiissusiussallutik Naalakkersuisut, Mittarfeqarfiit A/S-illu naatsorsuutigaat.

Sakkutuut timmisartortarnerat inuinnarnik timmisartuussinissamik akuersissuteqartariaqanngimmata, Illersornissaqarfiup mittarfimmik takissusiliinera, silissusiineralu naapertorlugit inuinnarnik timmisartuussineq ilusilersorneqassaaq. Inuinnarnik angallassinermut atorneqarnera Illersornissaqarfiup suliassarinnigilaa. Imarpik qulaallugu timmisartuussininerit ilanngullugit inuinnarnik timmisartuussinermi aningaasartuutit, Illersornissaqarfiup susassaqrfiginngilai. Inuinnarnik timmisartuussinissanut atorneqarnissaani Illersornissaqarfik tamatigut isumaqatigiissusiorfigineqartassaaq.

Kangerlussuarmi innuttaasunik timmisartuussisarneq misissoqqissaarneqassaaq. Inuinnarnik timmisartuussineq pillugu niuernerimik tunngaveqarlutik ingerlatseqatigiiffiit attuumassuteqartut misissuiffigineqassasut aamma naatsorsuutigineqarpoq. Misissueqqissaarnerit taakkua, inuinnarnik timmisartuussinissami pisariaqartitanik tamanit isiginnissuseqalersitsissapput.

Suleqatigiissutigineqarsinnaasunik misissueqqissaarneq

Danmarkimi Kalaallit Nunaannilu oqartussat akornanni suliassat peqatigiilluni suliarineqarnissaannut periarfissaasut Namminersorlutik Oqartussat, Illersornissaqarfiullu misissussavaat.

Piffissaliusaaq

2025 tikitsinnagu isumaqatigiissusiortoqarsinnaaqullugu, misissueqqissaarnissat siuliani allaatigineqartut 2024-mi marsip naannginnerani naammassineqassapput. Inaarutaasumik isumaqatigiissutissanut misissueqqissaarnerit tunngaviusariaqartut naammassineqarsimangippata, utaqqiisaagallartumik isumaqatigiissusiortoqartariaqarlarsinnaassaaq.

Aningaasartuutit naatsorsorneqarnissaanni, agguataarneqarnissaannilu aningaasatigut tunngaviusumik paasissutissat pisariaqartut Mittarfeqarfiit A/S-ip suliarissavai. Ingerlatsinissamut aserfallatsaaliuinissamullu missingersuutit, isumaqatigiissusiornissarlu sioqqullugu, isumaqatigiissusiornermilu aningaasartuutit ilanngullugit mittarfiup aningaasaqarnera missingersuusiallu ilanngullugit tassunga tunngavigineqartunik, Illersornissaqarfik tamakkiisumik takunnissinnaassaaq.

Ataatsimoorussamik aqutsisoqatigiinni, suleqatigiissitamilu suliaq suli tunngaveqassaaq. Aqutsisoqatigiit 2023-mi septembari naatinngagu, isumaqatigiissuteqaqataasunut sulinermi killiffik pillugu nassuiaasiussaaq. Misissueqqissaarneq naammassippat isumaqatigiissutissatut allaqqitassiat, tassunga pisussaaffiit, tassungalu atatillugu aningaartuutit ilanngullugit Danmarkimi naalakkersuisunut, Naalakkersuisunullu saqqummiunneqassapput.

Kangerlussuaq ulloq 24-04-2023
Erik Jensen,
Ineqarnermut Attaveqaasersuutinullu
Naalakkersuisoq


København ulloq 24-04-2023
Troels Lund Poulsen
Illersornissamut Ministeriugallartoq

Kangerlussuaq ulloq 24-04-2023
Múte B. Egede
Naalakkersuisut Siulittaasuat